

## 2 San Juan

Mamabuinore coyuiyebu Juan mácu ùi toivacaiye báquede iyoca mamayoca yóbocayoca ùi paperayocare. Juan mácu barejaquemavu judíovacacu, Galilea ámicurijoborócacu, aru Jesús ùi yávaiye méne beorí coyucójeimaracacu. Ùi mamicu Santiago bácuque moa boairōecu bácu barejaquemavu, Jesúí órejaquiye jipocare ùi mácure. Lucas bácu coyurejaquemavu Juan mácuí borore Hch 3:1-4:22. Majidivú ne dápiayepe, toivacarejaquemavu diyocare ùi mácu cūcu bácu Éfeso ámicuríimaroí, ne coreóvayipe boje ùi mácu Éfesocavu Jesúre ju aipōevare coreipōecu bácu. Apevu ne dápiayepe, ico ju aipōeco báco aru òi mára mácavu, ùi toivacaimara mácavu, Partia ámicurijoborócavu barejaquemavu. Pōecu cubebi majicu ye uju ùi toivacaiju bácarōre diyocare, ùbenita obedivú ne dápiayepe ániujua báquede 87-90 d.C. baji, ùi toivacaiye jipocare ùi coyuiyede Jesucristorā aru Jesucristoi jáđovaiye báquede ùi mácure, ùbenita ùi toivacarīburu yóbore ùi mamayoca paperayocare.

Toivacarejaquemavu Jesúre ju aipōevare, ne urājiyepere ayu Jūmenijicure aru apevu Jesúre ju aipōevare máre, aru ne majinajiyepere ayu aipe đaiye jaurōre jujovaiñuque, ina Jesúre ju aivupe tenidivñuque.

### Bueiye jáve aru jáve ùe máre

(Jn 13.34, 14.15, 23-24, 15.12, 17; 1 Jn 5.3; 3 Jn 3)

<sup>1</sup>Yú, bucucu, Jesucristore ju aivure coreipōecu, toivacaivu mure, jíco, Jūmenijicui beoimare aru mímarare máre. Meaicójeivu mujare. Yávacari jáve ùvu mujare, maje coreóvayipe boje Jūmenijicui yávaiyede jávene. Aru yu cūinácura ámevu ùcu mujare. Ùbenita caivu ina coreóvavú Jūmenijicui yávaiyede jávene, na máre urivúbu mujare. <sup>2</sup>Ñuja urivúbu mujare, ñuje majié boje Jūmenijicui yávaiyede jávene. Que baru caivu maja curivúbu majidivú iye yávaiyede jávene caride. Aru cainumua curājaramu maja dieque.

<sup>3</sup>Maje cuede ijāravui curājaramu maja me, coreóvavú Jūmenijicui yávaiyede jávene aru urivú mujevure. Majepacu Jūmenijicu, mamacu Jesucristomaque, mearo đacacuyume majare bojecubeda ùi me boje, ùi cōmaje āroje jáiyede aru ùi cārijimene cure đaiyede máre.

<sup>4</sup>Majivu yu apevu mímaracavure curivure ju arī Jūmenijicui yávaiyede

jāvene yópe majepacu Jūmenijicu ùi đaicójeiyepere majare. Que baru pare torojvúvú yu ji ùmei. <sup>5</sup>Aru mu, jíco, ji umo, caride yu jēniaivú mure. Urājavévú majevure, caivu maja Jesúre ju aivú.

Yú toivacabevú mure apeno đaicójeino mamarore. Quénora ji toivacaiye mure cūináturubu no đaicójeino mácarō, maje ju aipe báque Jesúre mamarumure.

<sup>6</sup>Aru maja urivú baru Jūmenijicure, đarājivúbu caiyede yópe ùi đaicójeiye báquepe. Đaicójeimi ùi majare apevure urī curivure. Muja jápiaivúbu no đaicójeino mácarōre, muje ju aipe báquede Jesúre mamarumure. Aru caride máre ju aivúbu nopedeca.

### Ina jujovaiñu pōevare

(Mt 7.15; 1 Jn 2.18, 22-23, 4.1-3, 15)

<sup>7</sup>Obedivú jujovaiñu cuivúbu yore ijāravui. Nárecabu ju abevú Jesucristore jáve dayu bácuere pōecuere ijāravui. Ácu pōecu que ayu baru, úrecabe jujovayú pōevare aru maucuvacu Cristore máre.

<sup>8</sup>Me jájara muja, muje bíjabenajiyepere aivu yo bojedaino jaurōre mujare, muje memecaiye boje. Quénora me đajarā

mija, cavarājivn caino no bojedaino jaŋrõre mujare.

<sup>9</sup>Aru ácu põecu buebecu yópe Jesucristo ñi bueiye báquepedeca quénora bueyn baru ape bueiye de Jesúi bueiye báquede jaruvarí, úrecabe yónabecu Jūmenijicure. Æbenita ácu põecu bueyn baru yópe Jesucristo ñi bueiye báquepedeca, úrecabe yónayn Jūmenijicure aru Jūmenijicui mácure máre. <sup>10</sup>Ácu põecu buesudayn baru mije yebai ape bueiye de Jesúi bueiye báquede jaruvarí, ñaine copn etabejarã mije cūramiai aru jacyubejarã úre.

<sup>11</sup>Que teni úre jacyuivn baru, jn aivn ñi bueiye borocuede, yónaivn bu úque ãmeina ðaivn.

### Meaicõjeino

(3 Jn 13-14)

<sup>12</sup>Apeno nrarõ coyñinore coyñiyvn mujare. Æbenita yore toivaiyubevn yn. Quénora napini coreivn yn jácudacyn mije yebai, yávacyvn ji bajumiareca, maje bujarãjiyere ayn torojrivn maje ũmei. <sup>13</sup>Mimamicoi mára, Jūmenijicui beoimo mácoi mára, meaicõjedama mre. Quénoramn.